
МУЗЕЙ-УСТАХОНАГА ЭКСКУРСИЯ

Риштон туман ХТБга қарашли 62-умумтълим мактаби ўқувчиларидан бир гурухи 24 май куни Жалаер қишлоғидаги кулол-рассом, Ўзбекистон Республикаси Бадиий академияси ва республика "Хунарманд" уюшмаси аъзоси, "Дўстлик" ордени соҳиби Тоҳиржон Ҳайдаровнинг музей-устахонага ташриф буюришди. Музей-устахонада ўқувчиларни кулол-рассом Т. Ҳайдаров кутиб олиб, республикамизда ягона ҳисобланмиш ушбу музейнинг яратилиши, Риштон кулоллари, мезейга қўйилган кулолчилик буюмлари ҳақида сўзлади. Ўқувчилар музейдаги ранго-ранг кулолчилик асарлари билан танишар эканлар, кулол-рассомга ўзларини қизиқтирган саволлар билан мурожаат этишди ва жавоблар олишди. – Музей-устахона бир неча бўлимдан иборат экан, – дейди 9-синф ўқувчиси Ф. Ҳизралиева. – Менда айниқса тарихимиз, буюк боболаримиз шажараларини ўзида акс эттирган буюмлар – чархилар катта қизиқиш уйғотди. Музей-устахонага экскурсия вақтида ўқувчиларга маънавий-маърифий ишлар бўйича директор ўринбосари Ш. Эргашева, ижодий-маданий масалалар бўйича тарғиботчиси ҳамроҳлик қилди.

2021-05-25 20:30:14